



Gid sou Demann pou yon egzansyon frè pou Fòm I-765 ou a, Aplikasyon pou Pèmi Travay

Kèk aplikan ki ranpli Fòm I-765, Aplikasyon pou yon Pèmi pou Travay, pa oblije peye yon frè. Pa egzansyon, pa gen okenn frè pou aplike pou premye pèmi travay pou moun ki pa sitwayen ki gen Fòm I-589 annatan, Aplikasyon pou Azil. Tanpri al gade nan [Tablo Frè USCIS](#) la pou detèmine si yon frè obligatwa pou ranpli ak Fòm I-765 ou a.

Si w oblije peye yon frè pou ranpli fòm I-765, ou kapab elijib pou yon egzansyon frè. Si ou ta renmen mande yon egzansyon frè, ou dwe ranpli epi depoze Fòm I-912 la, Demann pou Egzansyon Frè, ak Fòm I-765. Si ou ap fè yon demand pou egzansyon frè, ou pa p kapab soumèt okenn petisyon oswa aplikasyon anliy. nMen pito, ou ap bezwen ranpli vèsyon papyè pou demand egzansyon frè a ansanm ak fòm I-765.

- [Fòm I-912](#) disponib sou sitwèb USCIS la
- [Fòm I-765](#) disponib sou sitwèb USCIS la
- Sonje: Adrès kote ou voye Fòm ou an depann de rezon ou fè aplikasyon an ak kategori elijiblite w la te antre nan kesyon 27 sou [Fòm I-765](#) ou. Tanpri tcheke sitwèb USCIS la pou konnen ki kote yo ranpli.

Kisa mwen bezwen pou sipòte demann egzansyon frè mwen an?

- Lè w ap ranpli demann pou egzansyon frè w la, USCIS ap revize tout prèv ou bay sou sitiyasyon w. USCIS ap anvizaje akòde demann pou egzansyon frè w la si, nan moman soumisyon an, ou satisfè omwen youn nan kondisyon sa yo, epi ou kapab bay sipò pou omwen youn nan kondisyon sa yo:
 - o Ou menm, mari/madanm ou oswa moun ki nan tèt kay la ki ap viv ak ou, ap resevwa yon avantaj piblik ki baze sou mwayen ou;
 - o Revni fwaye a egal oswa mwens pase 150% parapò ak Enstriksyon Federal sou Povrete a nan moman ou fè demann lan pou egzansyon frè a; oswa
 - o Ou ap fè fas ak difikilte finansye nan moman ki anpeche w peye frè pou ranpli a.

Kisa yon Avantaj Piblik ki baze sou Mwayen ye?

Yon Avantaj piblik ki baze sou mwayen pou rezon yon egzansyon frè se yon avantaj piblik kote ajans ki bay avantaj la konsidere revni ou ak resous ou pandan l ap detèmine kalifikasyon an. Avantaj piblik ki baze sou mwayen yo kapab jwenn finansman nan nivo federal, eta oswa lokal. An jeneral, si ou resevwa yon avantaj yo ba ou ki baze sou revni ou, nou konsidere li tankou yon avantaj piblik ki baze sou mwayen. Egzanp avantaj ki baze sou mwayen yo gen ladan yo:

- Medicaid;
- Pwogram Asistans Nitrisyon Sipleman (Supplemental Nutrition Assistance Program, SNAP) yo te konn rele Koupon pou Achte Manje;
- Asistans Tanporè pou Fanmi ki nan Bezwen (Temporary Assistance to Needy Families, TANF); epi

- Revni Sekirite Sipleman tè (Supplemental Security Income, SSI), oswa lòt pwogram eta oswa Ou bezwen bay USCIS prèw w ap resevwa avantaj piblik sa yo. Egzanp prèw yo gen ladan yo yon lèt, avi, oswa lòt dokiman ofisyèl ki soti nan òganizasyon ki bay avantaj la ki gen enfòmasyon yo mande yo, tankou:

- non moun k ap resevwa avantaj la; non ajans ki akòde avantaj piblik ki baze sou mwayen an;
- tip avantaj la; epi
- ou ap resevwa avantaj nan moman (pa egzanp, dat yo te bay li, dat ekspirasyon, ak/oswa dat renouvèlman, si disponib.).

Yon kat avantaj pou kont li se pa yon prèw ki akseptab pou yon avantaj ki baze sou mwayen, sof si li genyen enfòmasyon endividyèl ki enpòtan yo bay pi wo a.

Èske revni fwaye mwen pi ba pase 150% Enstriksyon Federal sou Povrete a?

Ou ka jwenn enfòmasyon detaye sou Enstriksyon Federal sou Povrete a nan www.uscis.gov/forms/filing-fees/additional-information-on-filing-a-fee-waiver. USCIS ap mande w pou fè lis revni w ak revni tout moun ki lakay ou. Ou dwe bay prèw sou revni fwaye ou a, tankou deklarasyon taks oswa souch peman yon mwa pou tout moun nan kay la ki touche yon revni.

Kisa ki ka demontre Difikilte Finansye?

Si ou pa kapab peye frè aplikasyon an akòz difikilte finansye, tankou chomaj, depans medikal manm fanmi yo, dezaz natirèl, degèpisman, sanzabri, oswa lòt sikonstans, ou dwe bay USCIS yon deskripsyon detaye sou sitiyasyon finansye ou ak nenpòt prèw ou genyen ki montre ou pa gen mwayen pou peye frè a. Men kèk egzanp prèw yo aksepte pou sipòte deskripsyon detaye ou sou difikilte finansye ou genyen yo:

- etadkont labank,
- souch peman oswa prèw chomaj,
- bòdwo sèvis piblik,
- kontra lokasyon,
- fakti medikal,
- prèw lojman enstab oswa sanzabri.

Pou sipòte demann sa a, ou kapab genyen tou yon sèman yon moun nan kominote w la ki ka dekri sitiyasyon finansye ou genyen kounye a, tankou yon reprezantan yon enstitisyon relijye, yon òganizasyon san bi likratif, yon ajans lokal oswa yon ajans eta, yon òganizasyon kominotè, oswa yon founisèabri pou sanzabri. Afidavi sa ta dwe siyen epi gen dat.

Si ou pèdi prèw akòz yon krim, ensandi, dezaz natirèl, oswa lòt sitiyasyon ki pa t atann, ou ta dwe bay rapò lapolis, reklamasyon asirans, oswa nenpòt lòt prèw ki disponib.

Plis Enfòmasyon

Pou plis enfòmasyon sou depoze yon demann pou egzansyon frè, tanpri gade paj [Fòm I-912](#) la ak enstriksyon sou fòm yo ak paj nou an sou demann [pou yon egzansyon frè](#).

Pou plis enfòmasyon sou ki moun ki oblije aplike pou otorizasyon travay ak sou frè a dispans, gade enstriksyon yo nan [Fòm I-765](#).